



Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud sa zakonom Bosne i Hercegovine

Број/Број: 05/6-50-13-241-20/12

Сарајево/Sarajevo, 24.2.2012.

## ZAPISNIK

20. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine

(u daljnjem tekstu: Nezavisna komisija),

održane 24.2.2012., s početkom u 10 sati

**PRISUTNI ČLANOVI NEZAVISNE KOMISIJE:** Mile Lasić, Semiha Borovac, Milana Škipina, Damir Čačković i Predrag Crnogorac.

**OSTALI PRISUTNI:** Privremeni sekretar Nezavisne komisije Eldina Smailagić.

Sjednicu je otvorio i njome predsjedavao predsjednik Nezavisne komisije Mile Lasić.

Za sjednicu je predložen sljedeći

## DNEVNI RED

1. Usvajanje Zapisnika sa 19. sjednice Nezavisne komisije;
2. Usvajanje Izvještaja o radu Nezavisne komisije u 2011.godini;
3. Inicijativa za dopunu ZIKS-a BiH;
4. Posjeta KPZ-u Mostar;
5. Tekuća pitanja:

### Ad.1. Usvajanje Zapisnika 19. sjednice Nezavisne komisije

Zapisnik 19. sjednice Nezavisne komisije usvojen je jednoglasno i bez primjedbi.

### Ad.2. Usvajanje Izvještaja o radu Nezavisne komisije u 2011.godini

Prema dogovoru sa prošle sjednice, članovi Nezavisne komisije su pripremili Izvještaj o radu Nezavisne komisije kojim je obuhvaćen period od 14.09.2010.godine kada je održana konstituirajuća sjednica do 31.12.2011.godine.

Nakon kraće diskusije, Nezavisna komisija jednoglasno je usvojila Izvještaj o radu za period od 14.09.2010.godine do 31.12.2011.godine.

Konstovano je da se nakon lektorisanja izvještaj proslijedi Predstavničkom domu i Domu naroda Parlamentarne skupštine BiH na usvajnje.

### **Ad.3. Inicijativa za dopunu ZIKS-a BiH**

Vezano za predmetnu tačku dnevnog reda, uvodno pojašnjenje dao je predsjednik Nezavisne komisije koji je istakao da je nakon prošle sjednice imao sastanak sa pomoćnikom ministra pravde Mustafom Bisićem te da su zajednički utvrdili određene inicijative za izmjene ZIKS-a koje se odnose na Nezavisnu komisiju.

Utvrđena inicijativa za za izmjene ZIKS-a dostavljena je svim članovima Nezavisne komisije u materijalima za ovu sjednicu.

Nakon kraće diskusije, članovi Nezavisne komisije jednoglasno su usvojili slijedeću inicijativu za izmjene člana 48. ZIKS-a :

- U članu 48. stav 1. ZIKS-a iza riječi „krivične sankcije“ stavlja se zarez i dodaje riječ „pritvor“.
- U stavu (6) na kraju teksta stavlja se zarez i dodaju riječi „bez ograničenja“.
- Iza stava (7) dodaju se novi stavci (8) (9) i (10) koji glase:

„(8) Odredbe o čuvanju službene tajne ovog zakona ili drugog propisa odnose se na Nezavisnu komisiju prilikom obavljanja poslova i zadataka u okviru svoje nadležnosti kada dođe do saznanja ili u posjed podataka i dokumenata iz član 45. ovog zakona.

(9) Troškove rada Nezavisne komisije snosi Parlamentarna skupština Bosne i Hercegovine iz sredstava Parlamenta BiH, koja joj pripadaju u okviru usvojenog budžeta finansiranja institucija Bosne i Hercegovine i njezinih međunarodnih obveza.

(10) Članovi Nezavisne komisije prilikom obavljanja poslova i zadataka u okviru svoje nadležnosti uživaju imunitet, u skladu sa zakonom.“

- U dosadašnjem stavu (8) koji postaje stav (11) na kraju teksta stavlja se zarez i dodaju riječi „koji se objavljuje u „Službenom glasniku BiH“.
- U dosadašnjem stavu (9) koji postaje stav (12) na kraju teksta stavlja se zarez i dodaju riječi „ što uključuje i inicijativu za izmjene i dopune ovog zakona“.
- Dosadašnji stavci (8), (9), postaju stavci (11) i (12) člana 48.

Konstovano je da se usvojena inicijativa za izmjene člana 48. ZIKS-a dostavi Ministarstvu pravde BiH.

### **Ad.4. Posjeta KPZ-u Mostar**

U vezi sa predmetnom tačkom dnevnog reda, članovi Nezavisne komisije su dogovorili da se za 9.3.2012.godine organizuje posjeta KPZ-u Mostar i da se za istu traži upotreba kombi vozila Parlamentarne skupštine BiH.

## **Ad.5. Tekuća pitanja**

Nezavisna komisija je primila na znanje Izvještaj po preporukama za poboljšanje uslova boravka zatvorenih lica u KPZ-u Sarajevo broj: 01-34-99/12 od 8.2.2012. godine koji je dostavljen od strane KPZ-a Sarajevo.

Predsjednik Nezavisne komisije Mile Lasić zaključio je sjednicu u 13,30 sati.

PRIVREMENI SEKRETAR

NEZAVISNE KOMISIJE

Eldina Smailagić

PREDSJEDNIK

NEZAVISNE KOMISIJE

dr. sc. Mile Lasić